



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 744, Datë 19.11.2020

“Mbi zbatimin e pikës IV të Vendimit të Komisionit të Konkurrencës nr. 717, datë 15.10.2020 për ndërmarrjen “MEGAPHARMA” SHPK”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Znj. Adriana BERBERI	Anëtar
Z. Eduard YPI	Anëtar
Z. Helidon BUSHATI	Anëtar

Në mbledhjen e tij të datës 19.11.2020, shqyrtoi çështjen me:

Objekti: Mbi zbatimin e pikës IV të Vendimit të Komisionit të Konkurrencës nr. 717, datë 15.10.2020 për ndërmarrjen “MEGAPHARMA” SHPK.

Baza Ligjore: Neni 4, neni 24, shkronja (d), neni 26, neni 35, neni 36, neni 43 dhe neni 44, të Ligjit nr. 9121, datë 28.07.2003 “Për mbrojtjen e konkurrencës”, i ndryshuar (Ligji nr. 9121/2003).

Komisioni i Konkurrencës, pas shqyrtimit të relacionit të Sekretarit të Përgjithshëm mbi zbatimin e pikës “IV” të VKK nr. 717, datë 15.10.2020.

VËREN SE :

- 1- Komisioni i Konkurrencës me Vendimin nr. 684, datë 18.03.2020 “Për hapjen e hetimit paraprak në tregun e shitjes me shumicë dhe me pakicë të materialeve paramjekësore”, vendosi hapjen e procedurës së hetimit paraprak në tregun e shitjes me shumicë dhe me pakicë të materialeve paramjekësore, për të parë nëse ka, ose jo, shenja të kufizimit të konkurrencës.
- 2- Komisioni i Konkurrencës me Vendimin nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore”, vendosi:
 - i. Marrjen e masës së përkohshme si vijon:
 - a. Ndalimin e sjelljes së ndërmarrjeve që veprojnë në rrjetin e tregtimit me shumicë dhe pakicë (importues, depo farmaceutike dhe farmaci) të materialeve paramjekësore, të cilat në mënyrë të drejtpërdrejtë apo të tërthortë vendosin çmime apo kushte të padrejta tregtimi.
 - b. Me qëllim shmangien e abuzimit në zinxhirin e tregtimit, detyrimin e të gjitha

- ndërmarrjeve që veprojnë në tregun e importit dhe shitjes me shumicë të materialeve paramjekësore të jenë transparent në vendosjen e çmimit të shitjes së materialeve dezinfektant, alkool dhe maska.
- c. Aplikimin e çmimeve të orientuara drejt kostos dhe publikimit e tyre në faqet zyrtare të internetit të ndërmarrjeve apo në kanalet e tjera të komunikimit.
 - ii. Masa e përkohshme merret për një periudhë kohore deri në përfundim të procedurës hetimore.
 - d. Në rast të moszbatimit të vendimit për masa të përkohshme të cituara në pikën (1) të këtij vendimi, ndërmarrjet që do të konstatohen në shkelje ndëshkohen me gjobë deri në 10 % të xhiros vjetore për shkelje të rëndë të konkurrencës në zbatim të nenit 74, pika 1, germa b) të ligjit nr. 9121/2003.
- 3- Në kuadër të vlerësimit të masës së përkohshme, gjatë procedurës së hetimit paraprak, referuar informacionit të administruar pranë AK, është analizuar sjellja e ndërmarrjeve që operojnë në tregun e tregtimit me shumicë të materialeve paramjekësore për produktet maska, alkool dhe gel-dezinfektant.
 - 4- Komisioni i Konkurrencës në vijim të procedurave të mësipërme u shpreh me Vendimin nr. 717, datë 15.10.2020 “Për vendosje gjobe dhe dhënien e disa detyrimeve ndaj disa ndërmarrjeve për mos zbatimin e masës së përkohshme të VKK nr. 685, datë 18.03.2020 “Për marrjen e masës së përkohshme për vendosjen e konkurrencës në tregun e shitjes me shumicë dhe me pakicë të materialeve paramjekësore””.
 - 5- Në zbatim të pikës IV të Vendimit nr. 717, datë 15.10.2020, bazuar në Autorizimet e Komisionit të Konkurrencës nr. 110/44 datë 24.8.2020 dhe nr. 110/50 datë 19.10.2020, në datën 22.10.2020 u krye inspektim pranë ndërmarrjes “MEGAPHARMA” SHPK.
 - 6- Gjatë këtij inspektimi ndërmarrja “MEGAPHARMA” SHPK mori njoftim mbi Vendimin e Komisionit të Konkurrencës nr. 716, datë 15.10.2020 “Për hapjen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel-dezinfektues, në tregun e importit dhe tregtimit me shumicë të termometrave”.
 - 7- Sipas procesverbalit për marrje shpjegimesh me pyetje-përgjigje në përputhje me nenin 35 dhe 36 të ligjit nr. 9121, datë 28.7.2003 “Për mbrojtjen e konkurrencës”, i ndryshuar, u morën në dorëzim dokumentat dhe provat materiale të kërkuara nga grupi i inspektimit.
 - 8- Të dhënat e siguruara në formë fizike dhe elektronike, u përpunuan nga inspektorët e Autoritetit të Konkurrencës, duke krahasuar deklaratat e subjektit me shit-blerjet e realizuara nga kjo ndërmarrje. Bazuar në të dhënat përpunuara si rezultat i inspektimit, rezulton se ndërmarrja “MEGAPHARMA” SHPK:
 - 9- Ka realizuar shitje të produkteve alkool për periudhën janar – maj 2020 me një total prej 8 740 njësi. Produkti *AQUI - ALKOOL 70% ILIT AQUILA (I BARDHE)* në shkurt 2020 është blerë mesatarisht me 195.7 lekë/copë dhe shitur mesatarisht me 300 lekë/copë. Në mars 2020 është blerë mesatarisht me 224.5 lekë/copë dhe shitur mesatarisht me 301.6 lekë/copë. Në prill 2020 është blerë mesatarisht me 260.4 lekë/copë dhe shitur mesatarisht me 390 lekë/copë. Në muajin maj është blerë mesatarisht me 250 lekë/copë dhe është shitur mesatarisht me 289.2 lekë/copë. Për produktin *AQUI - ALKOOL 70%*

ILIT AQUILA (I BARDHE) konstatohet rritje e çmimit gjatë periudhës shkurt – prill 2020.

10- Ka realizuar shitje të produkteve gel-dezinfektant për periudhën janar – maj 2020 me një total prej 6 075 njësi. Produkti *GHG - GEL HAND 500ML (AQUILA)* në shkurt 2020 është blerë mesatarisht me 266.7 lekë/copë dhe shitur mesatarisht me 408 lekë/copë. Në mars 2020 është blerë mesatarisht me 275 lekë/copë dhe shitur mesatarisht me 359.6 lekë/copë. Në prill 2020 është blerë mesatarisht me 271.7 lekë/copë dhe shitur mesatarisht me 381.2 lekë/copë. Në muajin maj po ky produkt është shitur mesatarisht me 262 lekë/copë. Për produktin *GHG - GEL HAND 500ML (AQUILA)* konstatohet rritje e çmimit gjatë periudhës shkurt – prill 2020

PËR KËTO ARSYE:

Komisioni i Konkurrencës, bazuar në nenin 4, nenin 24, shkronja (d), nenin 26, nenin 35, nenin 36 dhe nenin 44 të Ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

- I. Hyrjen në fuqi të gjobës për ndërmarrjen “MEGAPHARMA” SHPK për moszbatim të masës së përkohshme në shumën 1 000 000 (një milion) Lekë.
- II. Detyrimin e ndërmarrjes “MEGAPHARMA” SHPK të zbatojë nenin 4 të ligjit nr. 9121, datë 28.7.2003 “Për mbrojtjen e konkurrencës”, i ndryshuar.
- III. Ngarkohet Sekretari i Përgjithshëm për zbatimin e këtij vendimi dhe njoftimin e palëve të interesuara.

Ky vendim hyn në fuqi menjëherë.

KOMISIONI I KONKURRENCËS